

Na Kosovo se od jučer više ne može sa pasošem Srbije



Direkcija granične jedinice kosovske policije donijela je odluku o nepriznavanju srbijanskih pasoša prilikom ulaska građana na teritoriju Kosova, saznaje RTS u kosovskoj policiji.

Prema odluci granične policije, zabrana ulaska se ne odnosi na osobe koje posjeduju ličnu kartu i izvod za djecu sa fotografijom.

RTS navodi da je Granična policija odluku donijela bez saglasnosti kosovskog ministra unutrašnjih poslova, i bez uobičajene procedure obavještanja javnosti.

Mjera granične policije koja je na snazi od juče, pogodiće građane centralne Srbije koji preko Kosova putuju u Albaniju, Crnu Goru, a posjeduju od dokumenata samo pasoš.

U policiji navode da je ova mjera u skladu sa Briselskim sporazumom iz 2011. godine, koji međutim ne zabranjuje korištenje pasoša kao jedinog dokumenta za kretanje.

Na administrativnim punktovima između Kosova i centralne Srbije vraćeno je više porodica sa djecom i osoba koje su posjedovale samo pasoš Republike Srbije.

Date: 06-08-2019